



**Commentarivs Pavli Bernriedensis, Antiqvi Scriptoris, De
Vita Gregorii VII. Pontif. Max.**

Paulus <Bernriedensis>

Ingolstadii, 1610

XXXVII. De Berga, vbi Herluca vidit maximam multitudinem sanctorum in
celebrationibus sanctorum.

[urn:nbn:de:hbz:466:1-65381](https://nbn-resolving.de/urn:nbn:de:hbz:466:1-65381)

eius Adalbertus vicinæ munitionis Dominus, à qua dicebatur^a Iringopolitanus, vehementer effluerat in gratia quarti Heinrici diu pessimè regnantis propter peccata populi, ideoque apud Præfules, & Abbates impetrabile ei fuit, quidquid expetiit. Tanto ita collectore non mediocriter ditatus est Sanctorum cineribus, & ossibus locus ille.

*a Dominus de
Iringopoli. Vide
Hand. de Mo-
nast. Bauaria.
Vocatur etiam
castrum Iringi.*

XXXVII. Illuc ergo conducti charitate ad curandam sepulturā, sororis Gepe inuitē tunc absentis Cunradi eremitiæ, qui auctor extitit Buribergensis cellæ, præfatus videlicet Heinricus, & Domna Bertha mater Ottonis. Ego quoque Paulus, & Geberhardus, alumnus meus, occurrentem nobis magno cum gaudio suscepimus suauissimam Herlucam: quæ cum non solum pro tractatu funeris contristaretur, sed etiam pro festo S. Iacobi, quod tunc instabat, spirituali nobiscum lætitia iocundaretur, interfuit missarum celebrationi, quæ a gebatur in veneratione eiusdem Apostoli. Cumque ventum esset ad Canonem, carentem videre cœpit spirituum iustorum multitudinem, ut non solum Ecclesiam, sed etiam teatrum eius, & atrium repleri cernebat, sacerdotalibus quoque vestibus nonnullos^b inces-
<sup>* MSS. inse-
disse.</sup> spiceret.

XXXVIII. Et hæc quidem insinuare curavit Arnaldo Paulostatensi, religioso viro & nobili, per quem & ego cognoui, intendens ei commendare personam multorum derogationibus addictam: mihi autem nihil horum, sed hoc tantum discessuro à se, quasi pro via-tico retulit, quod & ipsa die, & multotiens antea Beatum Laurentium sacræ cōmunionis ducem habuerit.

XXXIX. Eodem etiam ductore perlustrauit in spiritu, quadam vice, quidquid templorum est Romæ.